

皇清經解

皇

清

經

解

皇清經解卷六百七十上

學海堂

廣雅疏證

高郵王

觀察

念孫

著

釋詁

廢摺弛縱寘莫肆捨蕩逸放恣罔鉉署置也

廢者爾雅廢舍也郭璞注云舍放置也宣八年公羊傳注云廢置也方言發舍車也發與廢聲近而義同肆者堯典眚災肆赦春秋莊二十二年肆大眚皆謂放赦罪人與置同意故說文云赦置也捨與赦聲義亦同故爾雅云赦舍也舍與捨通蕩逸放恣竝同義論語微子篇隱居放言包咸注云放置也罔者曹憲云卽古文置鉉者韓詩外傳於此有絺綌五兩敢置之水浦列女傳作願注之水旁是注爲置也注與鉉通莊子達生篇以瓦注者乃淮南子說林訓作鉉是其證也署者說文署部署也謂部分而署置之也楚辭遠遊篇云選署衆神以竝轡

幹擻運道道謔喘移敷攙轉也

幹者楚辭天問篇幹維焉繫漢書賈誼傳幹棄周鼎王逸如淳注竝云幹轉也天問幹字一作筦匡謬正俗云幹聲類及

字林竝音管籥者玉篇籥轉篴也遘之言纏繞也楚辭離騷
遘吾道夫崑崙兮注云楚人名轉曰遘九章云欲儻徊以干
僚兮儻與遘通道者方言遘道轉也郭璞注追音換亦音
管道猶幹也淮南子時則訓員而不垓高誘注云垓轉也垓
與道通謹喘者方言謹喘轉也注云謹喘猶
宛轉也謹各本訛作讚今訂正敷通作易

笛矜專職端緒紬業也

笛者爾雅田一歲曰蓄郭璞注云今江東呼初耕地反草爲
蓄釋文蓄本或作笛鄭眾注考工記輪人云泰山平原所樹
立物爲蓄漢書溝洫志隕林竹兮隄石蓄顏師古注云石蓄
謂缶石立之然後以土就填塞之也是凡言笛者皆始立基
業之意笛之言哉也爾雅哉基始也卷一云業始也此云笛
業也義竝相通矜者方言矜業也郭璞注云謂基業也專職
皆主其事之名故爲業也魯語云恃二先君之所職業端緒
者爾雅業緒也注云謂端緒紬者史記厯書紬績日分索隱
云紬音宙又如字紬績者女工紬緝之意言
造厯算運者若女工緝而織之是紬爲業也

交贅凝戾撰質撫嘆保隱據刊定也

凝者臬陶謨庶積其凝馬融注云凝定也戾者爾雅戾定止
也康誥未戾厥心大雅桑柔篇民之未戾襄二十九年左傳

乃猶可以反傳注竝云戾定也質者爾雅質成也鄭注小司徒云成猶定也是質與定同義大雅抑篇云質爾人民曲禮云疑事毋質皆是也洪範惟天陰騭下民史記宋世家騭作定孔穎達正義云騭即質也撫者說文撫安也安亦定也莫者爾雅貉莫安定也郭璞注云皆靜定大雅皇矣篇求民之莫板篇民之莫矣毛傳竝云莫定也莫莫貉竝通字又作貉說見卷一莫安也下保者小雅楚茨傳云保安也隱據者方言隱據定也隱又音於靳反說文雪所依據也讀與隱同檀弓其高可隱也鄭注云隱據也孟子公孫丑篇隱几而臥皆安定之意也僖五年左傳神必據我杜預注云據猶安也釋名云據居也居亦定也刊者削而定之今人言刊定是也

餽餒餒也

餒者說文餒飢也

茈痢痢周爽痠壯創痒傷也

茈與幾通痢音力達反方言凡飲藥傳藥而毒南楚之外謂之痢痢痛也郭璞注云謂辛螫也方言又云刺痛也左思魏都賦云蔡莽螫刺昆蟲毒噬是刺爲傷也刺與痢通今俗語猶謂刀傷曰刺矣痢者銳傷也說文以爲籀文銳字廣韻又

此芮切云小割也皆傷之意也周者說文周半傷也昭八年左傳云民力彫盡彫與凋通爽者逸周書諡法解云爽傷也老子云五味令人口爽淮南子精神訓云五味亂口使口爽傷張衡南都賦云其甘不爽醉而不醒爽者序卦傳云夷者傷也夷與瘳通瘳各本訛作夷今訂正爽創壯聲並相近故壯亦爲傷方言凡草木刺人者北燕朝鮮之閒謂之壯注云今淮南人亦呼壯壯傷也馬融虞翻注易大壯並云壯傷也淮南子倣真訓形苑而神壯高誘注與馬虞同創者刃傷也說文刃傷也或作創月令云命理瞻傷察創是也其創瘍之創亦同義釋名釋疾病篇云創戕也戕毀體使傷也曲禮云頭有創則沐是也痒者周禮瘍醫注云瘍創癰也曲禮釋文云瘍本或作痒是痒爲傷也小雅正月篇癩憂以痒毛傳云痒病也病亦傷也

投教石槌挫槌也

教者說文教擊也又云桷擊也殺椎擊物也鄭注周官壺涿氏云涿擊之也案涿謂投擊之也其職云掌除水蟲以焚石投之是也教桷涿並通石者新書連語篇云提石之者猶未肯止是石爲槌也槌音都回反法言問道篇槌提仁義音義云槌擲也邯鄲北門篇王事敦我鄭箋云敦猶投擲也敦與槌同擲與槌同釋言篇云礪石礪也礪槌石礪槌聲義並

相

黔首氓民也

黔首者說文秦謂民爲黔首謂黑色也周謂之黎民史記秦始皇帝紀更名民曰黔首案祭義云明命鬼神以爲黔首則鄭注黔首謂民也魏策云撫社稷安黔首呂氏春秋大樂篇云和遠近說黔首韓非子忠孝篇云古者黔首悅密忝愚諸書皆在六國未滅之前蓋舊有此稱而至秦遂以爲定名非始皇創爲之也堯典云黎民於變時雍則黎民之稱又不自周始矣

詼嘲諛話誠誕莫周調也

詼嘲誠爲調戲之調諛話誕爲調欺之調周爲調和之調詼者說文曄嘲也曄與詼同漢書枚舉傳詼笑類俳倡李奇注云詼嘲也文選東京賦曄繆公於宮室李善注云曄猶嘲也嘲者文選任昉出郡傳舍哭范僕射詩注引倉頡篇云嘲調也漢書東方朔傳云詼嘲而已揚雄傳解嘲文選作嘲嘲嘲詼並通嘲與調聲亦相近也諛者相欺誕也卷二云調欺也釋言云調諛也說文諛誕也謂相欺誕也義並相通話者衆經音義卷十七引聲類云話訛言也小雅沔水箋云訛僞也

哀二十四年左傳是衡言也服虔注云衡爲不信言也話衡
竝音戶快反其義同也誠者釋言云誠警也警與敖通爾雅
謔浪笑敖戲謔也郭璞注云謂調戲也史記天官書箕爲敖
客曰口舌索隱宋均云敖調弄也箕以歟揚調弄爲象謔者
眾經音義卷十二引倉頡篇云謔欺也又引通俗文云大調
曰謔周者淮南子原道訓貴其周於數而合於時也高誘注
云周調也周
調聲亦相近

縊經闔絞也

縊經者說文縊經也絞縊也昭元年左傳縊而弑之杜預注
云縊絞也晉語申生雉經於新城之廟韋昭注云雉經頭搶
而縣外也釋名云縣繩曰縊縊阨也阨其頸也屈頸閉氣曰
雉經如雉之爲也闔者說文闔經繆殺也又云繆縛殺也玉
篇繆音力周居由二切絞也漢書外戚傳卽自繆从鄭氏注
云繆自縊也闔繆繆竝通喪服傳塲之經不繆塋鄭注云不
絞其帶之塋者
義與闔亦相近

新秣教繇繇黏也

糲

新者說文堇黏土也徐鍇傳云今人謂水中泥黏者爲堇新
堇竝音居隱反其義同也內則塗之以謹塗鄭注云謹當爲

貨產資財龜貝貨也

令琴瑟制禁也

令者鄭注月令云令謂時禁也琴者白虎通義云琴者禁也所以禁止淫邪正人心也文選長門賦注引七略云雅琴者琴之言禁也雅之言正也君子守正以自禁也說文斂持也讀若琴揜急持衣衿也李鼎祚周易集解引白虎通義云禽者何鳥獸之總名明爲人所禽制也是凡與琴同聲者皆有禁義也故者說文故禁也爾雅禦圍禁也故禦圍竝通亦通

作御般者玉篇音巨今竹甚二切制也廣韻云禁也般與琴同聲般各本訛作般集韻般都感反引廣雅般禁也今據以

訂正

僕曼襃褊鞞鞞鞞結詘也

僕曼襃褊鞞鞞結者玉篇引楚辭哀時命衣褊僕以儲與兮今本僕作葉王逸注云褊葉儲與不舒展貌褊音之涉反與褊通說文詘詘詘也一日屈褊又云褊鞞衣也徐鍇傳云鞞猶卷也褊褊褊衣也司馬相如子虛賦云褊積褊積也漢書楊雄傳注云褊曼衣也司馬相如子虛賦云褊積褊積也漢書楊雄傳注亦作褊士喪禮記裳不褊鄭注云不褊積也大射儀注云爲褊蓋卷褊綴於條橫之莊子田子方篇口辟焉而不能言司馬彪注云辟卷不開也皆詘屈之意也屈與詘通跛者足屈而不伸故亦謂之蹇吳志孫峻傳注引吳書云雷贊與吳桓戰一足被創遂屈不伸曰我屈蹇在問巷之閒存亡無以異是也眾經音義卷十四引埤倉云褊鞞衣也又引通俗文云褊縫曰褊廣韻褊褊褊也士昏禮記執皮褊之鄭注云褊猶辟也褊褊褊並通今俗語猶云褊衣或云褊衣矣呂氏春秋下賢篇卑爲布衣而不瘁褊高誘注云褊猶屈也凡物申則長詘則短故詘謂之褊辟短亦謂之褊辟素問調經論篇云虛者聶辟氣不足是也甲乙經作褊辟鞞之言卷曲結之言

詰屈也卷一云鞏結詘曲也引之云爾雅革中絕謂之辨郭璞注云中斷皮也革中辨謂之鞏注云復半分也案革中辨之辨當為辟字形相近又蒙上文辨字而誤也據儀禮莊子子虛賦說文廣雅諸書則凡卷者謂之辟故革中辟謂之鞏若辨乃中分之名與鞏屈之義殊無涉也說文革中辨謂之鞏辨字恐是後人以誤本爾雅改之

複袷增絳積壘襲成仍鄭重也

袷者急就篇襜褕袷復裙袴禪顏師古注云衣裳施裏曰袷增者說文層重屋也玉篇音自登子登二切周頌維天之命篇曾孫篤之鄭箋云曾猶重也老子云九層之臺起於累土楚辭天問篇云增城九重增層層竝通終者說文地重次第物也漢書武帝紀注云今俗謂凡物一重為一地左思魏都賦兼重性以地繆李善注云言既重其性而又累其繆也性與紕通地地竝與移通襲者哀十年左傳卜不襲吉杜預注云襲重也金滕作習吉坎彖傳云習坎重險也習與襲通成亦襲也故爾雅云山三襲陽再成英一成坯周官司儀為壇三成鄭眾注云三成三重也引爾雅邱一成為敦邱再成為陶邱三成為昆侖邱南山經成山四方而三壇郭璞注云形如人築壇相累也成亦重耳士喪禮下篇俎二以成鄭注云成猶併也併與重義亦相近仍者晉語晉仍無道韋昭注云仍重也鄭者漢書王莽傳非皇天所以鄭重降符命之意顏

師古注云鄭重猶言頻煩亦重複之意也衡亦復也說文衡重也衡曹憲音復各本脫去衡字其音內復字又誤入正文集韻引廣雅衡重也今據以訂正

朔曙昕昞較發卓離天暉炤燿罔烜晝光顯耿晃儼皎彰毗曉
曙悞視晰昱曠昭晤的旭徵燁闔陽杲粲炷堂彰著明也

朔者說文朏月未盛之明也朏與朔同召詒惟丙午朏傳云朏明也月三日明生之名漢書律厯志引古文月采篇云三日曰朏淮南子天文訓曰登于扶桑爰始將行是謂朏明高誘注云朏明將明也楚辭九思時朏朏今且旦注云朏始出光明未盛為朏聲義竝同也曙者說文曙旦明也文選魏都賦注引說文作曙管子形勢篇云曙戒勿怠曙之言明著也昭十一年左傳朝有著定杜預注云著定朝內列位常處謂之表著魯語云署位之表也曙署著三字聲相近皆明著之意也昕者說文昕旦明也日將出也土昏禮記云必用昏昕昕之言昕昕也漢書楊雄傳丞景炎之昕昕顏師古注云昕升也晞與昕聲近而義同昞者文選兩都賦序注引倉頡篇云昞著明也革象傳云其文昞也昞與昞同較著者也發者齊風載驅篇史記伯夷傳云此其尤大彰明較著者也

齊子發文韓詩云發旦也楚辭招魂娛酒不廢沈日夜些王
逸注云不廢或曰不發發旦也引小雅小宛篇明發不寐旦
亦明也商頌長發篇元王桓撥韓詩撥作發云發明也下文
云明發也是發與明同義卓與下暉字通卓之言灼灼也說
文倬箸大也大雅棫樸篇云倬彼雲漢爲章于天韓奕篇有
倬其道韓詩作暉法言吾子篇云多見則守之以卓卓倬倬
並通離者說卦傳云離也者明也萬物皆相見南方之卦也
聖人南面而聽天下嚮明而治蓋取諸此也炎之言炎炎也
說文引小雅節南山篇憂心炎炎今天今本作憂心如熒韓詩作
如炎說文炎炎光上也方言天明也憂心如火之炎故與明
同義凡詩言憂心烈烈憂心奕奕憂心惏惏耿耿不寐如有
隱憂之類皆其義也說文規察視也讀若鎌規與天亦聲近
義同炤與照同炤者說文炤窗牖麗廡開明也象形文選江
淹雜體詩注引倉頡篇云炤大明也炤之言宣明也衛風淇
澳篇赫兮咺兮毛傳云咺威儀宣著也韓詩作宣云宣顯也
大學作喧爾雅作炤炤字異而義同畫者晉象傳云明出地
上晉雜卦傳云晉晝也是晝爲明也耿者王逸注離駢云耿
明也立政云以觀文王之耿光晃之言煌煌也釋言云晃暉
也說文曉明也釋名云光晃也晃晃然也晃與曉同小雅皇
皇者華傳云皇皇猶煌煌也釋文煌又音晃秦策云炫燿於
道漢書揚雄傳云北嶺幽都炤字異而義同倬讀爲闡眾經
音義卷二十三引廣雅正作闡繫辭傳而微顯闡幽韓伯注

云闡明也呂氏春秋決勝篇云隱則勝闡矣微則勝顯矣公
羊氏春秋哀八年齊人取謹及鄆左氏穀梁氏竝作闡是闡
與鄆通皎者王風大車篇云有如皎日陳風月出篇云月出
皎兮皎皎皎竝通彰者鄭風女日雞鳴篇云明星有爛爛與
彰通皦皦者方言皦皦明也暉之言奕奕也方言暉明也譯
見也小爾雅數明也洪範曰圉史記宋世家圉作涕集解引
鄭氏書注云圉者色澤而光明也齊風載驅篇齊子豈弟鄭
箋云此豈弟猶言發夕也豈讀當爲圉弟古文尙書以弟爲
圉圉明也爾雅愷悌發也發亦明也司馬相如封禪文昆蟲
闡暉亦是發明之意猶言蟄蟲昭蘇耳王延壽魯靈光殿賦
赫輝輝而燭坤李善注云輝輝光明貌何晏景福殿賦云鎬
鎬鎬鎬赫奕章灼集韻引字林云燄火光也是凡與暉同聲
者皆光明之意也暉各本訛作暉今訂正懷者眾經音義卷
十二引倉頡篇云悞明也漢書王莽傳云悞眊不悛說文厂
明也厂渫竝與悞通晰之言明哲也說文昭晰明也洪範明
作哲大傳及漢書五行志竝作哲小雅小閔篇作哲大有象
傳明辨哲也鄭本作遴云讀如明星哲哲祭法瘞埋於泰折
鄭注云折炤哲也張衡思元賦雖司命其不瞶竝字異而義
同昱之言燿燿也釋訓云昱昱明也說文昱日明也太元元
告篇云日以昱乎晝月以昱乎夜淮南子本經訓云焜昱鎔
眩照燿輝煌說文煜燿也義與昱同曠者說文曠明也鄒陽
獄中上梁王書云獨觀於昭曠之道莊子天地篇云上神乘

光與形滅此之謂照曠照曠與昭曠同晤之言寤也說文
晤欲明也引邶風柏舟篇晤辟有標今本作寤闕雖傳云寤
覺也寤與晤通之言灼灼也說文的明也中庸云小人之
道的然而日亡的與的同旭之言皓皓也說文旭日旦出兒
讀若好一日明也邶風匏有苦葉篇旭日始旦毛傳云旭日
始出謂大昕之時周頌載見篇休有烈光鄭箋云休者休然
盛壯休與旭亦聲近義同微之言證明也各本訛作微考諸
書無訓微爲明者廣韻集韻並云微明也中庸杞不足徵也
昭三十年左傳且微過也鄭杜注並云微明也今庸杞不足徵也
煇者說文煇明也引鄭語煇耀天地今本作淳假借字也楚
辭九歌暉將出兮東方注云謂日始出其容暉暉而盛大也
義亦與燉同揚雄羽獵賦光純天地純與煇亦聲近義同閭
之言開明也說文閭開也爾雅愷悌發也舍人李巡孫炎郭
璞皆訓愷爲明詩作豈弟封禪文作閭釋並字異而義同說
文塏高燥也昭三年左傳請更諸爽塏者方言塏照也義與
閭並相近陽者說文陽高明也幽風七月篇我朱孔陽毛傳
云陽明也堯典曰暘谷字與陽通杲之言皎皎也說文杲明
也衛風伯兮篇云杲杲出日管子內業篇云杲乎如登於天
孟子滕文公篇瞞瞞乎不可尙已趙岐注云瞞瞞甚白也義
與杲相近粲者小雅伐木篇於粲酒婦毛傳云粲鮮明貌大
東篇粲粲衣服傳云粲粲鮮盛貌炷者方言炷明也說文云
炷讀若同又云炯光也小雅無將大車篇不出于頰毛傳云

頰亮也。炷，炯，頰，竝聲。近而義同。說文：炷，從火圭聲。玉篇：音口迥。鳥圭，二切。爾雅：燭明也。燭，古讀若圭。亦與炷聲近。義同堂之言。堂，堂也。論語：子張篇：堂乎張也。鄭注：云言容儀盛也。廣韻：引白虎通義：云堂之爲言明也。所以明禮義也。釋名：云堂猶堂堂高顯貌也。爽者，說文：爽，明也。篆文作爽。大誥：云爽邦由哲。說文：又云：昧，爽旦明也。牧誓：言昧爽。鄭風：言昧旦。吳語：言昧明。共義一也。眾經音義：卷九引廣雅：爽明也。今本脫爽字。

滄漚冷洞清涇凍淬寒也

滄者，說文：滄，寒也。又云：滄，寒也。逸周書：周祝解：云天地之閒有滄熱。列子：湯問篇：云滄滄涼涼。靈樞經：師傳篇：云衣服者寒無悽愴。暑無出汗。食飲者熱無灼灼。寒無滄滄。竝字異而義同。寒謂之滄，亦謂之淒。悲謂之悽，亦謂之愴。義相近也。故祭義：云霜露既降，君子履之，必有悽愴之心，非其寒之謂也。漚與下清字通。說文：漚，冷寒也。又云：清，寒也。曲禮：云冬溫而夏清。莊子：人閒世篇：云：嬰無欲清之人。漚，清，清竝通。冷，各本訛作洽。今訂正。洞者，說文：洞，滄也。淬者，方言：淬，寒也。郭璞注：云：淬猶淨也。涇與淬通。

惟圖誦議慮憚計聽媒謀也

惟圖慮者爾雅惟圖慮謀也圖各本訛作國眾經音義卷二
十五引廣雅圖議也計也今據以訂正惲者方言惲謀也媒
者說文媒謀也謀合二姓也周官媒氏
注云媒之言謀也謀合異類使和成者

尋緣遵躔逡摺循也

此釋遵循之義也各本循下脫去也字遂與下襍裔方外旌
表也合爲一條集韻類篇並引廣雅尋表也則宋時廣雅本
已脫去也字考尋緣以下六字諸書皆訓爲循無訓爲表者
今據以補正尋者玉篇尋循也緣者玉篇緣緒也緒與循通
莊子養生主篇緣督以爲經李頤注云緣順也釋名云順循
也急就篇鍼縷補縫綻紕緣皇象本作箴縷補袒縫緣循躔
逡者方言躔逡循也日運爲躔月運爲逡呂氏春秋園道篇
云月躔二十八宿逡亦遵也哀三年左傳外內以悛杜預注
云悛次也漢書公孫宏傳有功者上無功者下則羣臣逡李
奇注云言有次第也王莽傳云後儉隆約以矯世俗史記游
俠傳逡逡有退讓君子之風漢書作循循揚雄傳穆穆肅肅
蹲蹲如也顏師古注云蹲蹲行有節也竝字異而義同摺者
卷一云摺順也說文
摺撫也又云撫循也

襍裔方外旌表也